



საქართველოს მთავრობის დადგენილება

N 387 2021 წლის 2 აგვისტო ქ. თბილისი

„აგროდაზღვევის პროგრამის დამტკიცების შესახებ“ საქართველოს
მთავრობის 2020 წლის 10 აპრილის №236 დადგენილებაში ცვლილების
შეტანის თაობაზე

მუხლი 1. „ნორმატიული აქტების შესახებ“ საქართველოს ორგანული
კანონის მე-20 მუხლის მე-4 პუნქტის შესაბამისად, „აგროდაზღვევის
პროგრამის დამტკიცების შესახებ“ საქართველოს მთავრობის 2020 წლის 10
აპრილის №236 დადგენილებაში (www.matsne.gov.ge, 10/04/2020,
290040000.10.003.021951) შეტანილ იქნეს ცვლილება და დადგენილებით
დამტკიცებული „აგროდაზღვევის პროგრამის“:

1. მე-2 მუხლის:

ა) „ნ“ ქვეპუნქტი ჩამოყალიბდეს შემდეგი რედაქციით:

„ნ) სადაზღვევო პრემია – თანხა, რომელიც გადაიხდება სადაზღვევო
მომსახურების გაწევისათვის;“;

ბ) „ს“ ქვეპუნქტი ამოღებულ იქნეს.

2. მე-3 მუხლის:

ა) მე-2 პუნქტის „ა“ ქვეპუნქტი ჩამოყალიბდეს შემდეგი რედაქციით:

„ა) მოვლენის, რომელიც ატარებს სადაზღვევო შემთხვევის ნიშნებს, დადგომისას დამზღვევი/მოსარგებლე ვალდებულია, შეატყობინოს აღნიშნულის თაობაზე მზღვეველს 24 საათის განმავლობაში სატელეფონო ზარით. ამავდროულად, 5 სამუშაო დღეში ტელეფონით ან ელექტრონულად მზღვეველთან დააზუსტოს შემდეგი ინფორმაცია: დამზღვევის პირადი ნომერი/საიდენტიფიკაციო კოდი, სადაზღვევო პოლისის ნომერი, დამზღვევის საკონტაქტო ტელეფონის ნომერი, დაზღვეული დაზიანებული ნაკვეთის ადგილმდებარეობა, ფართობი და განხორციელებული რისკი. მზღვეველი დამზღვევის/მოსარგებლის იდენტიფიცირებიდან 15 კალენდარული დღის ვადაში ერთწლიანი სასოფლო-სამეურნეო კულტურების შემთხვევაში, 21 კალენდარული დღის ვადაში მრავალწლოვანი სასოფლო-სამეურნეო კულტურების შემთხვევაში და 30 კალენდარული დღის ვადაში ციტრუსოვანი კულტურების შემთხვევაში ადგენს დაზიანებული დაზღვეული ტერიტორიის (ნაკვეთის) დათვალიერების აქტს. ამასთან, ერთი დაზღვეული რისკის ხდომილების შედეგად კონცენტრირებულ გეოგრაფიულ ერთეულზე (მუნიციპალიტეტი) მზღვევის მოცულობითი პორტფელის 51% და მეტი ნაკვეთების დაზიანების შემთხვევაში შესაძლებელია, დაზიანებული დაზღვეული ტერიტორიის (ნაკვეთის) დათვალიერების აქტის შედგენის ვადა გაგრძელდეს არა უმეტეს 30 კალენდარულ დღემდე. თუ სააგენტო დამზღვევის/მოსარგებლის სააგენტოსათვის მიმართავის საფუძველზე დაადგენს, რომ ზემოაღნიშნულ ვადაში მზღვეველი არ შეადგენს დაზღვეული ტერიტორიის (ნაკვეთის) დათვალიერების აქტს, იგი გადაუხდის სააგენტოს ყოველ ვადაგადაცილებულ დღეზე 50

(ორმოცდაათი) ლარს. იმ შემთხვევაში, თუ პირგასამტეხლოს თანხა აღემატება 500 (ხუთასი) ლარს, მზღვეველი ვალდებულია, გააფორმოს დაზიანებული დაზღვეული ტერიტორიის (ნაკვეთის) დათვალიერების აქტი დაუყოვნებლივ. პირგასამტეხლოს თანხის გადახდა არ ათავისუფლებს მზღვეველს დაზიანებული დაზღვეული ტერიტორიის (ნაკვეთის) დათვალიერების აქტის შედგენისგან;

ბ) მე-3 პუნქტის „ა“ ქვეპუნქტი ამოღებულ იქნეს.

3. მე-4 მუხლის მე-2 პუნქტის შემდეგ დაემატოს შემდეგი შინაარსის მე-3 პუნქტი:

„3. მზღვეველის მიერ ამ მუხლის მე-2 პუნქტის დარღვევით პოლისის გაცემის შემთხვევაში, სააგენტო მოახდენს სადაზღვევო პრემიის სუბსიდირებას, მას შემდეგ, რაც დამზღვევი ან/და იმ მიწის ნაკვეთის მესაკუთრე, რომელზეც განთავსებულია დაზღვევის ობიექტი, დარეგისტრირდება „ფერმათა/ფერმერთა რეგისტრაციის პროექტის“ ფარგლებში წარმოებულ რეესტრში.“.

4. მე-6 მუხლი ჩამოყალიბდეს შემდეგი რედაქციით:

„მუხლი 6. სადაზღვევო პრემიის გადახდის წესი
დამზღვევმა მისი წილი პრემია სრულად და ერთჯერადად უნდა გადაიხადოს სადაზღვევო პოლისის გაცემის მომენტისათვის, ამასთან, მრავალწლიანი კულტურების დაზღვევის შემთხვევაში, დამზღვევი უფლებამოსილია, მომდევნო კალენდარული წლის მოსავლის პერიოდზე სადაზღვევო პოლისით გათვალისწინებული სადაზღვევო პრემიის თანხა გადაიხადოს მას შემდეგ, რაც დასრულდება კონკრეტული კულტურის მოსავლის აღების/ტექნიკური სიმწიფის პერიოდი. სადაზღვევო პრემიის სუბსიდირებული ნაწილი სააგენტოს მიერ გადაიხდება პროგრამით

განსაზღვრული წესით, დანართ №1-ის შესაბამისად. სასოფლო-სამეურნეო კოოპერატივის შემთხვევაში, სააგენტოს მიერ ერთ დამზღვევზე/მოსარგებლეზე გადასახდელი პრემიის ოდენობა არ უნდა აღემატებოდეს 50 000 (ორმოცდაათი ათასი) ლარს ყოველ კალენდარულ წელს.“.

5. მე-8 მუხლის „დ“ ქვეპუნქტი ჩამოყალიბდეს შემდეგი რედაქციით:

„დ) მოსავლის ტექნიკური სიმწიფის დასრულება, რომელსაც განსაზღვრავს სსიპ – სოფლის მეურნეობის სამეცნიერო-კვლევითი ცენტრი;“.

6. დანართი №1 ჩამოყალიბდეს თანდართული რედაქციით.

მუხლი 2. დადგენილება ამოქმედდეს გამოქვეყნებისთანავე.

პრემიერ-მინისტრი



ირაკლი ღარიბაშვილი

საქართველოს მთავრობის
2021 წლის 2 აგვისტოს
№ 387 დადგენილების
დანართი №1

სასოფლო-სამეურნეო კულტურა	სააგენტოს თანამონა- წილეობა	დამზღვე- ვის თანამონა- წილეობა	სადაზღ-ვ ეგო ტარიფი	მაქს. ნორმატი- ული ფასი ლარი/ჰა	მაქს.ნორ- მატიული ფასი ლარი/ჰვ	მაქს. ნორმატიული მოსავლიანობა კგ/ჰა	
მარცვლეული კულტურები							
ხორბალი	70%	30%	6.50%	1,500	0.5	3,000	
ქერი				1,320	0.6	2,200	
სიმინდი				2,250	0.5	4,500	
შვრია				1,200	0.6	2,000	
წიწიბურა				2,340	1.20	1,950	
ჭვავი				1,365	0.65	2,100	
პარკოსანი კულტურები							
ლობიო	70%	30%	6.50%	3,400	2	1,700	
მზესუმზირა				2,300	1	2,300	
სოიო				2,500	1	2,500	
ბარდა				1,080	0.60	1,800	
მიწის თხილი				8,500	5	1,700	
ბოსტნეული კულტურები							
ბადრიჯანი	70%	30%	8.50%	14,000	0.5	28,000	
წიწაკა				14,000	0.5	28,000	
კომბოსტო				15,200	0.4	38,000	
კომიდორი				12,000	0.4	30,000	
კიტრი				13,500	0.5	27,000	
კარტოფილი				15,000	0.6	25,000	
ხახვი				12,500	0.5	25,000	
ნიორი				14,400	1.8	8,000	
სტაფილო				16,250	0.65	25,000	
ჭარხალი				15,000	0.5	30,000	
ბროკოლი				20,000	2	10,000	
ყვავილოვანი კომბოსტო				15,000	0.8	18,750	
მწვანელი (არასასათბურე)				8.00%	18,000	3	6,000
ცერეცო (არასასათბურე)				30,000	3	10,000	
ბაღჩეული კულტურები							
საზამთრო	70%	30%	10.50%	10,000	0.25	40,000	
ნესვი			10,000	0.4	25,000		
გოგრა			10.00%	12,000	0.6	20,000	
ვაზი	50%	50%	8.50%	8,000	0.8	10,000	
თეთრი							

წითელი				15,000	1.5	10,000
ხეხილი						
ვაშლი	70%	30%	8.00%	25,000	1	25,000
მსხალი				30,000	1.5	20,000
კომში				20,000	1	20,000
ბალი, ალუბალი				22,500	1.5	15,000
ატამი				13,800	0.6	23,000
გარგარი				22,500	1.5	15,000
ქლიავი				14,400	0.9	16,000
ბროწეული				19,200	1.2	16,000
ალუჩა				16,000	0.8	20,000
ტყემალი				9,000	0.6	15,000
კენკროვანი კულტურები						
მარწყვი	70%	30%	11.00%	13,500	1.5	9,000
ჟოლო				14,000	2.8	5,000
მოცხარი				12,000	2	6,000
მოცვი				32,000	4	8,000
მაყვალი				14,000	2.8	5,000
კაკლოვანი კულტურები						
თხილი	70%	30%	6.00%	6,000	4	1,500
კაკალი				16,000	4	4,000
ნუში					9.25%	15,000
სუბტროპიკული კულტურები						
კივი	70%	30%	10.70%	18,000	1	18,000
სუბტროპიკული ხურმა, კარალიოკი				10,800	0.6	18,000
ფეიხოა				12,000	1.5	8,000
ციტრუსი						
მანდარინი	70%	30%	15.00%	10,000	0.5	20,000
ლიმონი				13,600	0.85	16,000.